

卷十上

續編卷一

名例

赦原

逃流在 赦後拏獲仍免逃罪案

刑部咨 為報明事據署浙撫永 咨稱石門縣安置流犯高景章

在配 被原籍太谷縣獲解補配一案緣景章係山西太谷縣

人因 張惠擬絞恭遇

來浙酌 發石門縣安置交保周岐山管束詎該犯於乾

六月二十日乘間脫逃將周岐山照例擬杖革去保長

官職名詳 奏奉准部覆在案于乾隆十五年五月二

書名 成案續編十二卷 乾隆二十年刊本
撰者 清 同德 李治運 同輯
卷 卷十上
內容分類 史 政書 法令 刑案
索書號 大木 法類 例案 7
編號 B3851000

彩色首頁1

東洋文化研究所漢籍目錄 編號: B3851000

東洋文化研究所漢籍目錄所藏漢籍善本全文影像資料庫 索書號: 大木-法類-例案-7


漢籍善本全文影像資料庫文本成案續編十二卷 乾隆二十年刊本

版權所有: 東京大學 東洋文化研究所

使用上的注意事項

赦原

成案續編
上卷之十



因姦打胎致死姦夫擬流賣藥人止擬重杖案

刑部爲因姦害命事據浙撫雅 咨稱平湖縣通詳俞朝選與孫

劉氏通姦有孕買藥打胎身死一案緣俞朝選原籍鎮海在乍浦

營充當戰船水手與營兵孫鼎生交好往來乾隆十四年六月內

孫鼎生患病俞朝選前往陪伴遂與伊妻劉氏調戲成姦是年七

月初二日孫鼎生因病身故俞朝選仍在孫劉氏家來往不時姦

宿至乾隆十七年六月內孫劉氏懷孕五月心胃不安慮及生產

敗露囑令俞朝選買藥打胎俞朝選始不允從繼因劉氏再三央囑隨于六月十七日至藥舖焦洪店內付錢五百六十文置買打胎丸藥一包傍晚時候轉給劉氏用酒吞服十八日劉氏藥發腹痛至夜更甚伊女大姑通知母舅劉元章來家看視俞朝選詭稱痧發劉氏旋即殞命十九日買棺盛殮大姑代母更換小衣於褲內脫出私胎劉元章目覩查問大姑告知情由劉元章稟營將俞朝選革糧移縣屢審供認不諱俞朝選合依婦人因姦有孕畏人知覺與姦夫商謀用藥打胎以致墮胎身死者姦夫比照以毒藥殺人知情賣藥者至死減一等律杖一百流三千里例應杖一百流三千里到配所折責四十板供無妻室單身發遣賣藥之焦

洪臣訊非知有姦情合商打胎但將違禁之藥圖利售賣亦屬不合應將焦洪臣依不應重律杖八十折責三十板賣藥錢文照追入官餘俱無干省釋孫劉氏屍棺并私胎飭令劉元章領埋等因抄招咨達前來據此俞朝選等均應如該撫所擬完結仍令該撫照例彙題可也等因乾隆十八年四月十九日准咨

犯姦畏究姦婦將剃刀給姦夫代割致死將姦夫照故殺減一等案

刑部爲哭伸妻命事該臣等會看得吳麟孫用刀割傷楊氏身死一案先據福撫周咨稱吳麟孫與楊氏夫鄉公調貼隣而居鄉公誦外出生理吳麟孫往來熟識遂與楊氏通姦吳麟孫開有米店其本因楊氏費用花消吳麟孫之父吳觀海盤查店本已盡欲將吳麟孫送究麟孫驚懼商同楊氏逃走楊氏以到官根究必定姦情敗露不如早死以免後慮隨令麟孫尋買砒礮與吃相約同死麟孫聽從向過路雜貨担買砒礮二文交給楊氏自先服食告知麟孫尚有餘剩砒礮令其同吃麟孫悔懼驚慌喊知伊母李氏

救甦是晚楊氏啼哭言及醜事益著不如同死遂取桌上剃刀通給麟孫令其代割麟孫一時昏惑誤聽指使先割楊氏咽喉旋即自割喉上楊氏幼子福生點燈進房看見喊叫而鄒公調之兄鄒享華聞聲赴視麟孫楊氏各帶傷痕同倒在床隨控縣驗傷押令醫治究審嗣楊氏傷重殞命屢審不諱麟孫除和姦輕罪不議外合依犯罪時而受雇倩爲人傷殘因而致死者滅鬪殺罪一等杖一百流三千里相應咨達等因經臣部以麟孫與楊氏通姦楊氏因醜事敗露服毒經麟孫喊知伊母救甦彼時伊伯鄒享華雖經外出但伊回家之後已知服毒情事自應加意防範斷無復聽麟孫潛入楊氏房內代爲割傷之理且享華既與伊弟同居豈無妻

室子女亦應聲明其鄒享華初報情由該撫咨內並未敘入礙難查議查律載受雇倩爲人傷殘致死者蓋指犯罪之人畏懼拷訊不過欲毀其肢體免訊鞫初無欲死之心而受雇倩之人聽其指使代爲傷殘偶然致死事出意外故滅鬪毆罪一等斷擬今楊氏因姦情敗露愧不欲生授刃麟孫令其代割咽喉已有欲死之心非止欲毀其肢體麟孫之用刀代割雖屬楊氏指使但遽將致命咽喉割傷致死寔與爲人傷殘者不符應令該撫詳查案情另行妥議到日再議等因咨駁去後今據該撫疏稱嚴鞫鄒享華有妻倪氏與子鄒新齡但當日楊氏服毒及救甦之時鄒享華先經外出新齡往看龍舟未回倪氏患病臥床不能起視是以無人防

範迨鄒亨華薄暮甫歸而麟孫已先乘間潛入楊氏房中同割寔無別情查楊氏與麟孫通姦並非應死之罪麟孫遽聽指使代割楊氏致命咽喉殞命誠與爲人傷殘因而致死之例不符但麟孫先因楊氏服毒已令其母救甦後復惑於楊氏同死之言且遞刀迫令下手一時昏迷失措先爲楊氏代割遂卽自戕究非已意欲殺按其所犯律例並無正條將麟孫改照故殺律減一等擬以杖流等因具題前來應如該撫所題完結再查此案雖事結在乾隆十一年正月初三日

恩旨以前但該犯係比照故殺律減等擬流之例情罪較重不准減等奉旨依議乾隆十一年七月卅抄

於姦所捉姦殺死姦夫姦婦將夫姦錯擬絞罪駁案

刑部爲據寔投首事該臣等會議得趙才榮因田氏與田可旺通姦砍死二命一案據東撫準疏稱趙才榮同祖堂兄趙才貴娶妻田氏與趙才榮素無仇怨田氏本係邢姓之女隨母轉嫁田姓與異父之弟田可旺素有姦情迨田氏嫁與趙才貴爲妻田可旺仍不時前至田氏家內乘間姦好曾經趙才貴窺破斥逐不容上門乾隆四年趙才貴物故田可旺復至田氏家來往與田氏同室共寢趙才榮雖未目擊行姦因男女同室有關顏面屢勸田氏杜絕田可旺往來用氏假兄弟爲名不容拒絕趙才榮無奈卽于西小屋內代盤一炕遇田可旺來至氏家過宿令其另炕安歇乾隆

十年九月二十七日田可旺又至田氏家內留住不往小屋另宿仍與田氏共寢次早趙才榮至田氏家屋內借鋸使用見田氏立炕邊扒灰田可旺尚在炕上赤身仰卧且見炕上僅被一牀兩枕並設一時忿激頓起殺心即用鋸背毆傷田氏腦後倒地田可旺聽聞起坐趙才榮亦用鋸砍其右耳根右腮脰並劃傷右肩甲殞命田氏猶在地掙動才榮復用鋸刀砍傷田氏腦後身死又用鋸砍取田可旺田氏左右脚面各一隻赴縣投首訊供不諱查例載本夫之兄弟及有服親屬皆許捉姦如有登時殺傷者並依已就拘執而擅殺傷律若非登時殺傷依鬪殺傷論又律載鬪毆殺人者絞弟毆兄妻至死者依凡人論各等語田氏與田可旺通姦趙

才榮係田氏故夫趙才貴同祖堂弟例許捉姦但砍傷田可旺田氏身死之時雖目擊田可旺赤身卧于炕上尚屬未離姦所但田氏已在炕前扒灰並非行姦之際與登時殺傷者有間趙才榮殺死田氏田可旺之後砍取各脚面殘毀死屍各輕罪並砍死田可旺罪各相等不議外田氏係趙才榮總麻服嫂應同凡論合依本夫有服親屬捉姦非登時殺傷依鬪殺傷論鬪殺者絞律擬絞監候等因具題前來查例內本夫之兄弟及有服親屬皆許捉姦如有登時殺傷者並依已就拘執而擅殺傷律若非登時殺傷依鬪殺論等語今趙才榮砍死田氏田可旺一案據該撫疏稱趙才榮至田氏屋內借鋸見田氏立于炕邊扒灰田可旺尚在炕上赤

身仰卧且炕上僅被一牀兩枕並設一時忿激即用鐵砧傷田氏
田可旺殞命等語是田可旺與田氏通姦之處已無疑義趙才榮
目擊氣忿將田氏田可旺殺死正與姦所獲姦登時殺死之例相
符今該撫將趙才榮照殺非登時依鬪殺論例擬絞情罪不符應
令該撫詳察案情按例妥議具題到日再議可也奉
旨依議乾隆十四年三月邸抄

本夫捉姦被姦夫拒毆羞忿自盡比擬案

刑部為姦逼父命事該臣等會議得陳輯五與陳翹相之妻曾氏
通姦陳翹相捉獲被毆自縊身死一案據廣撫準將陳輯五擬
斬曾氏擬以枷杖陳臣五等擬杖并聲明援免等因具題前來
查律載因姦威逼人致死者斬監候又例載因姦威逼人致死人
犯務要審有挾制窘辱情狀其死者無論本夫本婦父母親屬姦
夫亦以威逼擬斬等語今陳輯五與陳翹相之妻曾氏通姦陳翹
相攔門捉姦陳輯五拾棍拒毆旋被陳翹相同墜佑陳鳴爵捆縛
陳輯五服弟陳臣五陳盛五聞聲而至勸令解放陳鳴爵不從陳
盛五拳毆陳鳴爵倒地將陳輯五拉出解放並非陳輯五主令所

致次早陳翹相投鳴地保自無顏見人不欲鳴官愧忿自盡則其
死本由羞忿而陳輯五寔無威逼情狀查例內姦同宗無服親之
妻者各枷號四十日杖一百又律內犯罪拒捕于本罪上加二等
又例內強姦既成其夫羞愧自盡律例內並無將姦夫作何治罪
明文今陳輯五係和姦拒捕陳翹相因妻被姦汚復遭拒毆愧忿
自盡該撫將陳輯五擬以因姦威逼人致死斬監候與律不符查
陳輯五雖無威逼情狀但陳翹相捉姦時該犯輒敢拒捕迨被捆
之後伊弟陳盛五等同至將隣佑陳鳴爵毆倒拉出解放致陳翹
相愧忿自盡若將陳輯五僅照罪人拒捕于姦罪上加二等擬徒
竟置本夫愧忿自盡于不論寔不足蔽辜陳輯五應比照但經調

戲本婦羞忿自盡例擬絞監候秋後處決照例聲明恭候

諭旨遵行乾隆十一年七月二十三日奉

旨陳輯五依擬應絞着監候秋後處決餘依議

本夫捉姦被姦夫拒殺將姦夫姦婦錯擬因姦謀死駁案

刑部為稟明事該臣等會議得覃老好因姦打死唐奇才一案據

湖撫楊疏稱緣唐奇才携妻藍氏并妻搬移覃老好屋旁挖蕨

度日唐奇才外出老好見氏獨處前往調戲不從復乘唐奇才外

出與氏調戲成姦適唐奇才撞遇覃老好即從後門奔回唐奇才

抽出乘刀趕至覃老好屋內覃老好登樓躲避見唐奇才上梯即

拾斧背擊傷唐奇才左太陽連左額角側倒壁間又打傷左耳左

耳輪滾落地上殞命藍氏聞聲至彼即欲報官被覃老好恐嚇回

家藍氏情回母家告知伊父藍甲祿趕報屍叔唐品吉等報縣獲

犯屢審不諱將覃老好比因姦殺死親夫姦夫處斬律擬斬監候

刺字藍氏雖不知情擬絞監候并聲明藍氏寔未同謀相應聲明
等因具題前來查律載妻妾因姦同謀殺死親夫凌遲處死姦
夫斬監候若姦夫自殺其夫姦婦雖不知情絞監候又律載罪人
拒捕殺所捕人者斬監候各等語此案覃老好與藍氏通姦被本
夫唐奇才撞遇覃老好卽從後門奔逸唐奇才抽出菜刀追至其
家覃老好登樓躲避唐奇才上梯追趕覃老好卽用斧背打傷唐
奇才斃命是覃老好之殺死唐奇才原非爲不便于姦預存謀害
之心寔因唐奇才追趕情急臨時拒捕所致而藍氏之不知情乃
不知拒捕之情與律文不知謀殺之情大相懸別今該撫將覃老
好比照因姦謀死親夫律擬斬監候又將藍氏依姦婦雖不知情

絞律擬絞監候均未妥協事關人命出入未便率結應令該撫詳
審律義妥擬具題到日再議奉

旨部駁甚是依議乾隆十一年十二月卽抄

旨稽勳甚吳於嘉慶十一年十二月內

審鞫姦案詳具題本再請奉

刑部爲稟報事該臣等會議得王唐代與王河福之妻姦氏通姦

姦夫悞毆姦婦致死依罪人拒捕問擬并篤疾不准奏請免

刑部爲稟報事該臣等會議得王唐代與王河福之妻姦氏通姦

被王河福擦瞎雙目並王唐代毆死姦氏一案據河撫蔣疏稱

緣王唐代常至王河福家往來與河福之妻姦氏私行通姦已非

一次河福並未知情迨乾隆十六年九月內王河福攜妻姦氏遷

至妻叔姦立敬空密內與姦立敬同院居住王河福外出傭工姦

氏獨處閏五月二十二日王唐代路過姦氏門首姦氏邀王唐代

至家復續舊好並畱住宿關閉密門坐談姦立敬回家聽聞唐代

在姦氏密內說笑卽往喚河福歸家姦立敬在外把守王河福進

院用鋤打門王唐代頂住密門不出王河福用鋤扒去門下磚塊

搬取麥稽點火向內薰燒唐代萇氏被薰昏倒河福潑水進窰將
唐代萇氏拉出在院河福乘唐代昏迷用手指戳瞎其兩目並用
石灰擦傷王唐代在地亂滾河福不能制縛隨與萇立敬出避王
唐代恐復來捕捉在地摸石拉人亂毆不期萇氏昏臥院中誤被
毆傷左太陽右眉叢右腮腴左耳連耳輪耳竅鼻準立時殞命王
唐代摸係女身知爲萇氏悔恨無及欲求同死卽解腰間布帶纏
項自勒王河福等聽無聲響持燈進院探視見萇氏已被毆死將
王唐代解救復甦報知地方稟報屢審不諱查王唐代入室行姦
寔係有罪之人其摸石亂毆原恐河福等復來捉捕其爲罪人拒
捕無疑不期誤毆萇氏身死雖律無罪人拒捕誤殺旁人之條但

關毆而誤殺旁人仍照關毆問擬則罪人拒捕而誤殺旁人自應
照罪人拒捕本律科斷王唐代依罪人拒捕殺人者斬監候律應
擬斬監候但雙目擦瞎已成篤疾應照律議擬奏

聞取自

上裁河福擬杖等因具題前來應如所題王唐代擬斬監候秋後處
決該撫旣稱唐代雙目擦瞎已成篤疾應照律議擬奏

聞等語查王唐代因與萇氏通姦被本夫當場擦瞎兩眼是該犯之雙
瞽卽係犯姦所致與篤疾奏請之律不符應將該撫聲明之處毋
庸議該撫旣稱王河福已將唐代用火薰燒昏迷倒地又擦瞎雙
目殊屬不合依不應重律杖八十折責三十板先行發落萇立

姦殺下

七

敬例得提姦並未助毆應毋庸議等語均應如該撫所題完結可也等因奉

旨王唐代依擬應斬着監候秋後處決餘依議乾隆十八年七月初二日邸抄

黃夜入人家圖姦被打身死擬故殺駁案

刑部看得王福用鳥鎗打死王三燒化屍骨一案先據奉天尹蘇疏稱王福因王三時以言語挑誘其嫂復調戲其妹經王福之父王起當趕逃在外王三窺知王福等外出于乾隆十年八月初四日又往王福家內有今夜同你們睡覺之語當經王福母嫂斥逐王福回家詢知前情隨將街門頂閉裝鳥鎗防夜適王三撥門入院王福一時氣忿點架鳥鎗打中王三背後王三手持鎗頭仆打王福被王福之母王劉氏拉住王三卽拉王劉氏入室復拉王福之妹王福又用鎗筒連打數下從牕戶跳出王三持鎗頭隨後趕出王福復用鎗筒打中王三腿上倒地延至初六日殞命王劉氏

囑令牌保匿不報官卽于是夜抬出山坡主使發火燒燬嗣經屍弟王五控告到官拘訊供認不諱將王福擬斬監候等因具

題到部經臣部等衙門以查驗王三骨灰淘有鉄沙九十二個鉛餅二塊是王三受傷最重自當立時倒地何至執持鎗頭仆打王福並推拉王福母妹復從牕跳出直至王福用鎗筒打中其腿始行倒地其中不無狡飾情弊應令該府尹再行根訊確情按律妥擬具題到部再議等因駁行去後今據該府尹蘇疏稱研訊王福堅供王三初受鎗傷寔未倒地委因被鎗筒毆打始行跌撲因王三少年強壯而鳥鎗又打傷王三背面下身尚能掙扎等語將王福仍照原議擬斬監候等因具題前來查審擬命案必將致死

確情起衅根由究詢明確原情定罪庶不致法有枉縱今王福用鳥鎗打死王三一案據該府尹覆審王福寔因王三于昏夜撥門入院用鎗打中王三下身王三尚能撲打復因王三入室拉住伊妹又用鎗筒將王三打倒越二日殞命仍以故殺定擬題覆但細核前後審擬案情王三係王福無服族兄在伊家居住多年因于三調戲伊嫂妹經王福之父王起富趕逐在外有隣佑唐俊等共知其事而王三探知王福在外傭工其父兄遠出未歸復至其家挑誘適王福于是晚歸家伊母卽告知前情王福遂將街門頂閉王三于一更時分手執鎗頭撥門入院王福用防夜鳥鎗照下身打放王三被傷猶能跳躍行兇入室拉住伊妹王福復用鎗筒毆

中其腿倒地之處不特原疏保正路登龍報稱王三夜間撥門入王福家圖姦伊嫂妹被王福放鎗打死及覆審在場目覩之田起龍確知其情卽王三之胞弟王五亦供稱伊兄夜間撥王福之門被鎗傷身死屬寔是王三因先調戲王福之嫂妹被逐于前復又夤夜手持鎗頭赤身撥門入王福之院于後供証確鑿淫惡之迹已屬顯然在王三旣已干法刑章則王福之用鎗打傷身死律內自有明條未便置之于不問仍以故殺定擬且推其用鎗向下身打放及一經打倒卽便住手之處原無致死之心况王三于二日之後並非斃于當時核其情罪寔與故殺有闕總之此案情事果寔則王福自有應得罪名如係捏飾自有致死別情亦當究訊明

維按律妥擬應令該府尹遵照指駁情由逐一究訊明確妥擬具題到日再議可也奉

旨依議乾隆十二年 月 日 抄

姦有証據與聞姦追殺不同應援已就拘執而擅殺律定擬案刑部爲轉報事看得彭永祿等毆傷章萬選拋河溺死一案先據

雲撫張疏稱彭永祿于乾隆三年正月內跟主出外伊妻小梅花與幼婢小永福看守碓房二月內章萬選至碓房春穀與小梅花調戲通姦不時來往皆爲小永福目擊小梅花懷孕彭永祿歸家詰問小永福告知前情七月十四日晚章萬選又攜雞酒前往碓房與小梅花共飲彭永祿探知約吳小善等齊至碓房章萬選在房吃烟彭永祿進見呵責章萬選卽行撲打吳小善等遂將章萬選共毆章萬選與吳小善等扭結外出章萬選失足墮入田壩彭永祿令吳小善看守尋繩拴縛鳴官章萬選起而奔逸彭永祿

追上拿住因其詈罵不已復用拳毆傷章萬選眼胞鼻梁章萬選昏暈在地彭永祿疑爲已死一時慌懼希圖滅跡主使吳小善等幫同抬棄河中斃命將彭永祿照聞姦追而殺之依故殺律擬斬監候吳小善等擬杖等因具題經臣部等衙門以聞姦追殺必姦夫遠離姦所姦情尚無証據而本夫忿恨追逐有心殺死然後仍照故殺本律擬以斬候今彭永祿將章萬選抬棄河中之處原爲章萬選已死意欲滅跡並非故行丟河致死擬以故殺情罪未協况章萬選向在確房與小梅花通姦不特小永福目擊其事且懷孕有據當日共飲之時寔屬夤夜彭永祿見而呵責章萬選反行撲打其拒捕情形顯然畢露亦與聞姦追殺之例不符應令該撫

再行詳審妥

擬具題等因題駁去後今據兼理雲撫慶

疏稱覆

加親審彭永祿因章萬選與伊妻小梅花通姦懷孕有據久欲捉拿適章萬選又往與小梅花共飲更餘未散彭永祿糾眾往捕原欲送官究治詎章萬選撲毆並與吳小善扭結出門乘間逃逸彭永祿追獲拳毆見其昏暈倒地疑爲已死囑令吳小善等抬棄河中希圖滅跡委非有意致死確核供情寔與聞姦追殺之例有間將彭永祿改依雖在姦所捉獲非登時而殺引夤夜無故入人家已就拘執而擅殺致死律杖一百徒三年等因具題前來據此應如該撫所題彭永祿合依雖在姦所捉獲非登時而殺引夤夜無故入人家已就拘執而擅殺致死律應徒三年至配所杖一百

折責四十板該撫既稱杖犯吳小善等已經先行責釋彭永祿雖係以賤毆良但因姦致死律無加等之文等語均毋庸議再該撫疏稱擬罪未協各官例得免議等語查定例督撫具題事件內有情罪不協律例不符之處部駁再審該督撫按律改正將承審舛錯之處免其議處應將承審各官均照例免議可也奉

占依議乾隆六年七月邸抄

姦拐追獲將姦夫打死應照姦夫已就拘執律問擬駁案

刑部爲報明事議得楊全珍毆傷顧珍身死一案據湖撫開疏

稱顧珍與楊全珍之女楊氏通姦楊氏歸寧母家路過顧珍門首欲向借馬乘騎過水顧珍之父顧現求問其住宿十五日顧珍送氏歸家行至中途顧珍自誘氏同逃約定夜間在稻場登候時至初更楊氏潛出顧珍亦至會遇同逃楊氏之母尋女不見卽告知楊全珍出外找尋適伊姪楊聖舟站立門首詢知情由隨同楊全珍尋至河濱楊全珍日擊人影當卽追趕楊氏情急跳水楊全珍扯起復又趕毆顧珍用右手掌擊致傷右耳門顧珍轉身回扭兩人跌地顧珍扒起奔逃被楊聖舟趕獲欲扭回送官詎楊全珍被

姦殺下

跌氣忿拾石擊打適中顧珍前右脇斃命楊全珍畏抵將屍推入
河內滅跡顧珍之父顧現求見子不歸四處找尋見屍漂流報縣
驗訊屢審不諱將楊全珍依罪人已就拘執而擅殺律擬絞楊氏
等擬杖具
題前來查定例姦夫已就拘執而毆殺引夜無故入
人家已就拘執而擅殺律又例載婦人之父母捕姦殺傷姦夫者
與本夫同各等語此案顧珍與楊全珍之女楊氏通姦黑夜勾引
同逃楊全珍轉被扭跌隨經伊姪楊聖舟扭住顧珍而楊全珍扒
起趕上石擊顧珍殞命是楊全珍應于拐逃之所拿獲姦夫已就
拘執而毆殺本例利斷該撫引罪人拒捕律擬絞似未允協事關
人命不便率結應令該撫另行妥擬具題到日再議奉

旨依議乾隆十一年十一月即抄

古湖縣詳劉十一年十一月四日

姦拐之犯持刀尋衅被本夫格殺依律勿論案

刑部爲稟報事會議得黃振德毆傷張錫貴身死一案先據東撫
準 疏稱緣張錫貴于乾隆十一年五月初三日夜將黃振德之
妾周氏誘拐潛逃至五月十一日被黃振德尋獲張錫貴脫逃黃
振德將周氏領回控州止差役尋緝並未通詳迨乾隆十二年六
月初四日張錫貴潛歸挾嫌于初六日持刀至黃振德家尋衅聲
稱少伊銀兩并聲言拚命黃振德用鋤格落張錫貴之刀鋤傷張
錫貴右脚外踝張錫貴彎身拾刀黃振德又用鋤毆其脊背右後
脇倒地張錫貴持刀欲起黃振德恐其起扎又用鋤毆傷左腿逾
時殞命屍兄張錫儒通知里老李村因天雨水阻至十五日控州

往驗屍身潰爛難辯傷痕詳明覆檢訊供不諱將黃振德依鬪殺律擬絞周氏等擬以徒杖等因具題經臣部衙門以張錫貴係應捕之犯黃振德係應捕之本夫乃張錫貴反行登門拼命較拒捕之犯更爲兇橫以致黃振德用鋤格鬪致斃今該撫將黃振德照鬪毆殺律問擬殊未允協應令該撫察核案情妥擬具題到日再議等因題准咨行去後今據東撫準疏稱查張錫貴係應捕之犯乃怙惡不悛潛行回籍挾嫌訛詐持刀逞兇黃振德情極用鋤格鬪致斃正與罪人持杖拒捕其捕者格殺勿論之條相符黃振德改依罪人持杖拒捕其捕者格殺之勿論律應照律勿論周氏仍照前擬等因具題前來應如該撫所題黃振德合依罪人

持杖拒捕其捕者格殺之勿論律照律勿論奉

旨依議乾隆十六年二月邸抄

捉姦悞毆父斃照過失殺擬流并將姦夫比例擬絞案

刑部爲報明事會看得潛江縣民李廷珍與父李仲遠捉姦李廷珍昏夜失手致傷李仲遠身死一案先據陞任湖撫彭 疏稱京

山縣民黃么卽李么于乾隆十一年十一月撐駕舊湖船至潛邑
垞埠垞地方變賣借寓李仲遠家數日而返乾隆十二年二三月
月黃么復在垞埠垞地方傭工因至李仲遠家數次卽與仲遠之
媳劉氏熟識于三月二十四夜黃么又至李仲遠家適仲遠與子
李廷珍外出未歸黃么見李廷珍之妻劉氏獨處遂起淫心與劉
氏調戲成姦追後乘便私通已非一次後廷珍父子窺知姦情面
斥黃么不許行走黃么自知情虧反捏李仲遠欠伊工錢彼此爭

開而去至九月初六日夜黃么疑李廷珍往鄉未歸于更深時潛入李廷珍屋內欲與劉氏圖姦不意李廷珍是日已于中途而返黃么瞥見廷珍在家卽藏于廚房壁內適被李廷珍知覺告知伊父李仲遠仲遠持鉄鋪廷珍持燈同至廚房捕捉黃么不卽奔逃將燈亮撲滅李仲遠用鋪截傷黃么左額顱黃么因奪鉄鋪復自帶傷左額角及左手小指就將李仲遠扭滾在地仲遠呼廷珍毆打廷珍持柞棍近前知黃么壓伊父身上用棍毆打兩下致傷黃么左肱肘右膀仲遠復聲喊抱住快打廷珍悞料伊父仍被壓住忙用棍連打兩下不期黃么已滾轉在李仲遠身底仲遠轉身欲起黃么趨勢又把李仲遠身子仰上以把住黑暗之中致傷李仲遠

頂心偏左並左額角一處彼時李廷珍聽聞伊父哎喲一聲又聞黃么要殺死一家之語心中畏懼卽與伊妻劉氏奔至妻舅劉萬宗家欲其幫助黃么拿鋪逸出亦至劉萬宗家聲言與廷珍拚命經劉萬宗勸解就寢廷珍夫婦隨卽潛回始見仲遠受傷不能言語延至次早殞命李廷珍投鳴保鄰云係黃么毆死經保鄰拿獲黃么報縣驗詳飭審據李廷珍供認不諱查毆祖父母律載過失殺者杖一百流三千里不在收贖之例又例載捕役拿賊與賊格聞而誤殺無干之人者仍照過失殺律又箋釋註云如父子同時驅賊昏夜悞殺其父亦照過失殺各等語今李廷珍捕姦與黃么格聞與捕役捕賊情事無異將李廷珍依律擬流黃么等擬以徒

杖枷號等因具題經臣部以李廷珍過失殺父該撫擬以杖流按律定擬自屬相符至黃么一犯與劉氏雖係和姦但先被夫翁窺破面斥黃么絕無畏縮反捏欠錢爭鬧繼又夤夜入室圖姦迨窺破面斥黃么絕無畏縮反捏欠錢爭鬧繼又夤夜入室圖姦迨本夫父子捉捕該犯逞兇奪錨與李仲遠扭滾在地以致李廷珍誤傷伊父斃命釀成大案黃么寔爲首惡夫本夫于姦所殺死姦婦例內尚以姦夫抵絞况黃么淫惡不法致李廷珍父子遭倫常之變原情定罪法所難容僅擬杖徒殊屬寬縱應令該撫細核案情另行妥擬具題到日再議等因于乾隆十三年十二月初九日題十一日奉

旨部駁甚是依議欽此咨行去後今據陞任湖撫彭疏稱黃么與劉

氏雖係和姦但先被夫翁窺破面斥全無畏懼反捏欠錢爭鬧繼又夤夜入室圖姦迨李廷珍父子捕捉該犯逞兇奪錨與李仲遠扭滾在地以致李廷珍誤傷伊父斃命是李仲遠之死由于黃么淫惡所致若僅以徒配寔屬情重法輕但律無正條查例載本夫姦所獲姦將姦婦殺死姦夫當時脫逃後被拿獲到官審明姦情屬寔姦夫供認不諱者將姦夫擬絞監候等語今李廷珍同父捉姦失手致斃父命雖與殺死姦婦不同而殺死之由寔起于姦夫黃么應比照本夫殺死姦婦將姦夫擬絞例應擬絞監候秋後處決該撫原疏內稱李廷珍合依過失殺父者杖一百流三千里律應杖一百流三千里至配所折責四十板劉氏合依軍民相姦例

枷號一個月杖一百杖罪的決枷號收贖交給依姑陳氏收領等語應如該撫所題完結該犯等雖事在乾隆十四年四月初九日恩赦以前但事關倫紀李廷珍應得流罪並劉氏等的決之處不准減免等因乾隆十四年九月二十四日題十月初二日奉旨黃么依擬應絞着監候秋後處決餘依議欽此

因姦不遂殺死二命案

刑部爲稟報事該臣等會議得高懷成因姦不遂殺死陳俊德張氏二命并砍傷徐子成一案據安撫張疏稱緣張陳氏將長女張氏招贅李惟棟爲婿李惟棟遠出未歸乾隆十四年間高懷成與張氏調戲成姦及後漸生口角張陳氏聞知拒絕至乾隆十六年五月初八日高懷成窺見張陳氏探望次女未回潛至張氏屋內求歡張氏拒罵比張陳氏之叔祖陳俊德出視高懷成正從張陳氏家跑出當被扭獲掙脫奔逸高懷成忿恨于初九日早携刀至張陳氏家意欲逼脅張氏從姦行至張陳氏門首適遇陳俊德向前理論高懷成頓起殺機持刀砍傷陳俊德左手腕左肘陳

俊德喊救復用刀戳傷其肚腹殞命張氏查見越牆喊叫高懷成復回家持取厨刀赶上連砍張氏頸項斃命高懷成思欲遠颺跑至廟內求籤時有伊表兄徐子成撞遇聞知其故將高懷成拉住不放高懷成卽拔刀復砍傷徐子成頸項跌地經村衆追獲報州屢審不諱查陳俊德與張氏雖屬異姓各居但高懷成持刀挾制逼姦連殺二命又復砍傷一人淫惡已極若僅照謀故殺律定擬寔覺情重法輕高懷成除與張氏通姦及砍傷徐子成各輕罪不議外應比照殺一家非死罪二人例擬斬立決奏請

定奪照例刺字等因具 題前來查例內因強姦將本婦立時殺死者擬斬立決等語此案高懷成持刀至張氏家欲逼脇從姦因陳俊德阻理高懷成卽將陳俊德刀砍殞命適張氏見而喊叫復將張氏立時殺死按其情事與因姦殺死本婦之例相符至陳俊德與張氏本非一家該撫舍正條而比照殺一家非死罪二人擬以斬決奏請

定奪之例殊未允協高懷成除故殺陳俊德并砍傷徐子成各輕罪不議外合改依因強姦將本婦立時殺死者擬斬立決例應擬斬立決該撫旣稱張陳氏訊無縱姦情事應無庸議等語應如該撫所題完結可也等因奉

旨高懷成着卽處斬餘依議乾隆十八年六月十七日邸抄

誘姦後誣指賣姦致死二命案

刑部爲報明母女投井身死事該臣等會看得南海縣民楊亞二串囑王亞新誘姦楊氏之女戴亞積被控復誣指賣姦致楊氏母女投井身死一案據廣撫蘇疏稱緣王亞新係楊氏故夫戴揚遷之甥乾隆十六年二月內楊氏欲將書架石塊出賣託王亞新覓主王亞新邀楊亞二至楊氏家看買楊氏令女戴亞積點火吃烟而出楊亞二見戴亞積頗有姿色途間囑王亞新勾引圖姦當經王亞新正言拒絕楊亞二復告以願出錢買書架石塊王亞新應允復偕往楊氏家交價當將書架石塊僱人搬回自與王亞新同行復求設計謀姦先給花錢六個許其事成再謝十個王亞新

得賄卽告以三月初二日楊氏遷居初一日先搬什物必係戴亞積先往照看或可哄誘成事并令楊亞二以財物誘騙楊亞二許打銀葫蘆一個至期楊氏果遣戴亞積并王亞新往新屋照看楊亞二踵至王亞新當戴亞積之前提及所許之物楊亞二荅以銀葫蘆卽時可取王亞新會意走出亞二將門掩閉拉亞積入室許以財物拉褲行姦王亞新往首飾鋪內取回銀葫蘆私給戴亞積收藏是夜戴亞積因小腹疼痛被楊氏盤問戴亞積以被姦寔情相告楊氏以強姦控縣楊亞二復囑王亞新捏供以楊氏將女賣姦掩飾楊氏被誣不甘于四月初八日携女戴亞積一同投井殞命屢審不諱將楊亞二擬斬王亞新擬流等因具題前來查律

載因姦威逼人致死者斬又獄囚誣指平人者以誣告人論又例載誣告人因而致死被誣之人比依誣告人因而致死隨行有服親屬一人絞罪各等語今楊亞二誘姦戴亞積雖無強暴情狀但戴亞積年止十三歲計誘成姦事發後復誣蠆伊母賣姦以致楊氏母女忿激同時二命自盡寔與威逼無異應如該撫所題楊亞二合依因姦威逼人致死者斬律擬斬監候秋後處決該撫既稱王亞新圖得楊亞二銀兩誘騙戴亞積成姦及至告發復敢聽囑扶同楊亞二誣蠆楊氏賣姦致楊氏母女二人忿激同時投井斃命王亞新除得受花錢謀合楊亞二與戴亞積成姦輕罪不議外合依誣告人因而致死被誣之人依誣告人因而致死隨行有服

親屬一人絞罪例係爲從減一等杖一百流三千里查明有無妻室照例辦理王亞新等所得贓銀照追入官可也謹題奉

口楊亞二依擬應斬着監候秋後處決餘依議欽此乾隆十八年八月

邸抄

因圖姦誤殺本夫之子不應照罪人拒捕問擬案

刑部爲稟報事該臣等會議得楊大典毆傷趙經康幼子趙小秋身死一案據河撫蔣疏稱緣楊大典與趙經康並無嫌隙乾隆十五年九月間趙經康外出其妻路氏獨處楊大典卽與調戲成姦嗣後乘便又姦數次經康並未知情迨乾隆十六年七月間經康知覺斥責路氏絕其往來路氏亦自改悔經康隨遷移別莊居住十二月初三日夜楊大典出外歸家路過經康門首時已三更大典日間見經康外出謂其未歸欲仍與路氏姦宿推門入室大典聲喚路氏許給錢文言欲住宿經康驚醒卽起詬罵并行扭打大典用手招架以致手內屠刀劃傷經康手指經康喊叫路氏手

抱幼孩趙小秋上前救護大典用刀背攔格不開悞中趙小秋顛
門連及額顛立時殞命路氏等哭喊大典奔逸嗣經拿獲大典屢
訊不諱查大典原與路氏通姦有素因而復往圖姦與強姦者不
同但經康久已禁絕遷避大典竟敢黑夜入其家內欲再姦宿係
有罪之人雖律無罪人拒捕誤殺傷人之條但開毆悞殺旁人既
照開殺定擬則罪人拒捕悞殺傷人亦應照拒捕本律科斷將大
典依罪人拒捕殺人律擬斬監候不准留養路氏擬以枷責等因
具題前來查楊大典先與經康之妻路氏通姦本夫先不知情
迨後知覺隱忍未較斥責路氏絕其往來路氏亦自改悔隨同伊
夫遷居躲避乃大典仍往圖姦夤夜帶刀入室及本夫扭打大典

輒用刀割傷經康手指路氏手抱幼子小秋上前救護大典復用
刀背打傷小秋顛門額顛立時斃命是大典因欲姦路氏既傷其
本夫復殺其親子寔非悞殺傍人可比乃該撫以楊大典拒捕悞
殺傍人依罪人拒捕殺人律擬斬監候殊未免協事閃因姦殺死
人命不便輕縱應令該撫再行詳審妥擬具題到日再議可也等
因奉

旨部駁甚是依議乾隆十八年六月二十四日邸抄

官暗鑑其呈對編詳刑十八年六月二十四日

因奉

人命不測... 殊對人於罪人... 本夫更難其... 以背甘... 刑部為殺死兄命等事會看得平陽縣民林公久因姦拒捕殺死

強姦人妻女殺死赴救無服親屬擬斬候案

刑部為殺死兄命等事會看得平陽縣民林公久因姦拒捕殺死
林士友一案據浙撫常... 疏稱緣林公久係林士友無服族孫素
無嫌怨乾隆十年七月初二日夜林士友有無服族兄林士光出
外祈雨止有伊母徐氏并女齡婉在家林公久探知林士光外出
輒起淫心圖姦齡婉一更時分攜帶撬門尖刀潛至林士光門首
維時齡婉臥床候父歸家閉門未開林公久推入挨進齡婉臥房
齡婉聞聲坐起林公久即拳其手按倒在床扯褲強姦齡婉不從
喊叫有賊伊祖母徐氏另宿後房聞聲亦起接應林公久懼走出
房林士友同弟林士貴聞喊趕救林士貴持燈把守門外林士友

起進堂屋撞獲認係林公久齡姪將林公久強姦情由告知林士友林士友掌擊林公久兩下扭住林公久胸前衣服不放林公久急圖掙脫即將所帶尖刀戳傷林士友咽喉立時殞命林公久脫逃該縣驗詳飭緝而齡姪旋卽病故緝獲林公久到案屢審供認不諱查例載強姦人妻女其夫與父母親屬聞聲赴救姦夫逞兇拒捕立時殺死其夫與父母親屬者擬斬立決等語細繹例文未曾分晰有服無服但親屬二字承夫與父母貫下且下文有羞忿自盡字樣似指有服親屬而言今林士友係林士光無服親屬被林公久殺死與例意稍有未符而律例內又無因強姦人妻女殺死赴救無服親屬作何治罪之文今林公久強姦齡姪未成已屬

有罪之人齡姪喊叫有賊林士友聞聲赴援將林公久扭住不放致被殺死應將林公久比照罪人拒捕殺所捕人律擬斬監候照例刺字相應聲明恭候

聖鑒定奪等因具 題前來查定例律例無可以引用援引別條比照某律某例科斷詳細聲明恭候

諭旨遵行等語今該撫既稱律例無因強姦人妻女殺死赴救無服親屬作何治罪之文應如該撫所題林公久比照罪人拒捕殺所捕人者斬監候律應擬斬監候秋後處決仍照例刺字相應照例聲明恭候

諭旨遵行等因奉

林公久依擬應斬着監候秋後處決餘依議欽此乾隆十一年七月
邸抄

圖姦毆傷所捕人于辜限外身死不准 奏請案

刑部爲呈報事該臣等看得毛十等圖姦毆傷李氏并毆死夏氏
一案先據河南巡撫蔣 疏稱緣毛十與谷九之母夏氏妻李氏
比隣居住張四因知李氏少艾起意圖姦迨乾隆十二年九月十
六日張四乘毛十向伊借錢之機混其說合許以酬謝毛十應允
三十日夜毛十探知谷九外出隨向通知張四令伊自往張四必
欲令毛十先容復許重謝毛十又冒昧應允張四邀同毛十引至
谷九院內毛十先進李氏睡房摸至鋪前聲言張四來與同睡李
氏驚醒當將毛十扭住喊叫伊姑夏氏聽聞起救拉住毛十不放
毛十隨拾磚向擊傷及夏氏右脰膊左額顱左腮腋下唇左耳根

等處李氏出房喊救撞遇張四卽行拉住疾喊張四亦拾磚連毆李氏比李氏夏氏皆受傷釋手倒地毛十張四遂各自逃逸詎夏氏傷重至十一月二十六日殞命屢審不諱查毛十聽受賄囑賁夜身入少婦臥榻爲張四說姦致李氏驚醒拉住喊叫伊姑夏氏起救輒拾磚毆傷夏氏身死卽與身自圖姦殺命無異毛十比依強姦人妻女殺死其夫與父母親屬例擬斬立決張四起意圖姦釀成人命爲此案罪魁除毆傷李氏輕罪不議外合依因姦威逼人致死律擬斬監候均刺字併聲明毛十毆傷夏氏左耳根見骨當時保辜五十日今越五十六日因左耳根傷未愈身死係在辜限外二十之內應奏請

定奪等因具題前來經臣部以此案毛十貪得謝銀代張四說合圖姦李氏伊姑夏氏聞喊起救該犯輒拾磚拒毆致傷夏氏左耳根等處越五十六日身死明係拒捕毆所捕人致死律應斬候張四蓄意圖姦先使毛十進房說合當毛十拒毆夏氏之時該犯尙未入室及李氏出門拉住卽拾磚克毆李氏多傷卽其情罪實與強姦未成執持兇器致傷本婦者無異按律罪應絞候今該撫將毆傷夏氏越五十六日身死之毛十比照強姦妻女立時殺死其父母親屬例問擬而于並未拒毆夏氏之張四復坐以因姦威逼致死之律是夏氏一命擬以兩抵竟置張四因姦毆傷李氏之絞罪于不議情罪殊未允協事關重辟未便率結應令該撫另行妥擬

具題到日再議等因題駁去後今據河撫蔣 將毛十改擬斬候
張四改擬絞候并聲明毛十毆死夏氏係在辜限外二十日之內
奏請

定奪餘悉原疏等因具 題前來應如該撫所題毛十合依罪人拒捕
毆殺所捕人律擬斬監候張四合依改照因強姦執持兇器截傷
本婦未成姦律擬絞監候俱秋後處決該撫疏稱毛十毆傷夏氏
左耳根見骨越五十六日因傷身死係在辜限外二十日之內仍
應照例奏請

定奪等語查破骨傷限外二十日之內身死問擬死罪奏請
定奪者此指平常聞毆而言並無罪人拒捕毆傷所捕人致死亦得一

例奏請應將該撫聲明之處毋庸議等因奉

旨毛十依擬應斬張四依擬應絞俱着監候秋後處決餘依議乾隆十
八年十二月十四日邸抄

調戲不遂將木婦毆死比擬案

刑部為泣驗嫂屍事該臣等會看得陳名山醉後調戲王氏併毆傷王氏身死一案據原任湖北巡撫唐 疏稱緣陳名山酒醉路過王氏門前向王氏索茶王氏答以茶冷須熱陳名山麴藥迷心出言調戲王氏忿怒辱罵陳名山回罵趕拉王氏欲毆王氏跑出声喊陳名山趕至麥田手揪王氏衣領王氏蹲地陳名山隨勢按住連毆王氏左後肋併左右後脇三拳詎王氏傷重殞命屢審不諱查陳名山雖無強姦情事但因調戲起衅竟毆斃命若仍照尋常聞毆律問擬似覺法輕情重查律內並無因調戲被罵將本婦毆打身死作何治罪之條將陳名山比照強姦未遂將本婦毆傷

身死照威逼人致死例擬斬監候等因具題前來應如該撫所題陳各山合比照強姦未遂將本婦毆傷越數日後因本傷身死者照因姦威逼人致死律擬斬監候例應擬斬監候秋後處決奉旨依議乾隆十六年五月邸抄

強姦不從將本婦毆有多傷因越日身死擬斬候駁案

刑部爲強姦毆殺事該臣等會議得張欽強姦無服族婦陳氏不從毆斃致死一案據署蘇撫覺羅雅疏稱緣欽與陳氏之夫張坦同村居住張坦向在宿州傭工伊母朱氏亦回母家遺妻陳氏家貧乏用乾隆十二年十一月十一日陳氏免張欽往喚張坦回家張欽于十二日至宿找見張坦述知前情張坦言未能歸張欽回覆陳氏知陳氏獨居是夜至陳氏家起意圖姦陳氏怒罵欲訴其叔張叙輒意強姦杜口陳氏喊救張欽隨毆傷陳氏又取鍋臺鉄鏟割陳氏之喉陳氏傷重發暈在地張欽復將石塊土坯壓陳氏身腿潛回逾時陳氏甦醒爬往伊叔張寅家聲訴求救張寅令

妻燒湯灌救送回次日朱氏歸家詢知情由往告夫弟張天朝控縣張寅亦將張欽獲解比陳氏傷重殞命驗審傷供並確將張欽擬斬監候等因具題前來查律內強姦未遂將本婦毆傷越數日後身死者照因姦威逼人致死例擬斬監候蓋以姦夫原無欲殺本婦之心故得從寬擬以斬候若因強姦不遂起意將本婦殺死自有擬斬立決之條今張欽因強姦無服族姪陳氏不從將本婦毆打致命多傷又用鑿刀連割陳氏咽喉三下刀鈍無力未卽立斃張欽尤恐不死復用石塊上坯壓陳氏身腿致令陳氏傷重身死是張欽確存必欲殺死陳氏之心與因姦越數日後身死者迥不相同如謂陳氏非常時身死卽將該犯從寬定擬殊不知謀

故殺之案正論該犯是否有心立時致死並不因死者稍延時日卽令該犯得邀寬典事關強姦殺人淫克已極之案未便率結應令該署撫安議具題到日再議可也奉

旨依議乾隆十四年九月邸抄

言於諸簿劉十四年六月朔日

令茲署辦交備具獸性日新焉可出奉

惟今茲出於巡實典車關賊盜婦人出夜日遇之案未竟率據

文卷之案五篇結以是否自心立却疑及並不因取昔階或却日

因圖姦致傷本婦越二十二日斃命仍擬斬決案

刑部為報明事該臣等會看得樂天德圖姦杜氏不從用斧將氏
砍傷身死一案據直督方 疏稱乾隆十五年六月初六日傍晚

樂天德赴集醉歸攜帶鉄斧適見張雲之妻杜氏推麵回家四顧
無人起意圖姦跟隨進屋出言調戲杜氏轉身趨避樂天德復用
手向拉杜氏厲聲嚷罵樂天德畏人聽聞用斧砍傷杜氏顛門偏
右倒地因恐其夫回家知覺不肯日休輒起意致死滅口復用斧
連砍其額顛偏右左太陽左手腕右手背等處懼人撞見隨即逃
逸比張雲回家詢知前情報縣驗傷訊供緝獲樂天德到案杜氏
傷重延至二十八日殞命屢審不諱查樂天德因圖姦杜氏不從

用斧砍倒起意致死滅口復又連砍多傷雖杜氏死越二十二日
在該犯則欲立斃其命與當時殺死無異將樂天德擬斬立決照
例刺字等因具題前來應如該督所題樂天德合依因強姦將
本婦立時殺死例擬斬立決續據該督題報該犯在監病故應母
庸議再該督疏稱杜氏因樂天德圖姦不從被殺身死節烈可嘉
應請

旌表以維風化等語查杜氏因樂天德圖姦不從以致被殺身死與例
相符應照例准其

旌表俟

命下之日行令該督轉行該地方官照例給銀三十兩聽本家自行建

坊其該縣節孝祠內設牌之處照

恩詔定例遵行等因奉

旨依議乾隆十八年三月二十五日

圖姦不從滅口致死以威逼定擬駁案

刑部為呈報事該臣等會議得李賈因姦勒死徐二妮一案據河撫鄂疏稱緣李賈與徐二妮之主孫公振係姑表兄弟李賈常在孫公振家往來與徐二妮熟識乾隆十三年十二月初三日徐

二妮私持籃刀出外挑挖野菜李賈由堤南經過撞遇徐二妮在地挖菜李賈四顧無人起意誘姦因其不從即將徐二妮按倒在地拉脫其褲徐二妮兩手揪褲哭喊李賈懼人聞見未經成姦即行放起徐二妮喊罵不止聲言歸告伊主與李賈理論李賈囑勿聲張徐二妮不允李賈恐事敗露頓起殺機即將徐二妮合面按倒用腿壓住先解其右腳紮腿棉帶背捆兩手又翻轉仰面一手

按任一手用土填塞其口計圖悶死徐二妮兩脚亂蹬李賈復解
徐二妮褲帶繞勒其咽喉結締立時殞命嗣經拿獲該犯屢訊不
諱查徐二妮當身孫公振家爲使女係有年限回贖應同僱工論
李賈爲孫公振家外姻總麻表弟律內毆內外總麻小功親之僱
工人致死及故殺者絞監候又律載因強姦將木婦立時殺死者
擬斬立決各等語並無強姦總麻親之僱工不從因而謀死作何
治罪之明文李賈將徐二妮誘止強姦未成復用滅口謀死因未
便照故殺總麻親之僱工論罪但李賈欲姦徐二妮先雖誘拉後
復強按一聞哭喊卽行放起並未成姦央求隱瞞猶有畏懼之心
與強姦已成者不同因徐二妮堅欲訴知伊主始懼禍滅口將伊

謀死亦與強姦不從違克立時必死者稍間且係謀殺總麻親之
僱工究與凡人有異將李賈比照因姦威逼致死律擬斬監候徐
二妮附請

旌表等因具題前來查例內因強姦將木婦立時殺死擬斬立決又
律內因姦威逼至死者斬監候各等語細繹例內必須因強姦將
木婦登時殺死者方擬斬決至律稱威逼致死係指木婦自盡者
而言詳核此案供情李賈因見徐二妮在地挖菜誘姦不從按例
拉褲一聞哭喊卽行放起後因徐二妮有歸告伊主之語因懼禍
滅口始將徐二妮用帶勒死明係臨時起意故殺以威逼定擬與
律不符應令該撫另行詳審按律妥擬具題到日再議可也伏候

欽定奉

旨依議乾隆十四年十一月卅日

圖姦將本夫致傷越數日後身死比擬案

刑部為稟報事本部會同院寺會看得仁和縣民駱茂才圖姦駱郎氏推跌伊夫駱學禮身死一案據浙撫常疏稱緣駱茂才係

駱學禮無服叔祖乾隆十一年五月十三日夜駱茂才在駱士連家赴館而回路經駱學禮門首見有燈光思欲索火吃烟近前推門適是夜駱學禮因天暑乘涼門尙未閉駱茂才推門而進見駱學禮在簷下凳上睡熟伊妻郎氏身臥房內房門未閉駱茂才頓起淫心進房滅燈冒為駱學禮登床圖姦郎氏驚醒摸及兜肚知非伊夫卽行喊叫駱學禮亦在外接應赴救駱茂才下床跑走兩相撞遇駱茂才急圖脫身用右手向推致傷駱學禮胸膛連左乳

駱學禮仰跌堦石碗傷脊背連後肋駱茂才奔逸駱學禮掙起欲
追覆身跪跌擦傷兩膝次日郎氏鳴知房族經駱龍生等將駱茂
才喚至宗祠責處詎駱學禮受傷越十五日殞命屢審供認不諱
將駱茂才比照強姦未遂將本婦毆傷越數日後因本傷身死者
照因姦威逼人致死律擬斬監候照例刺字駱龍生等擬杖等因
具題前來查名例內開律例無可引用援引別條比附者議定
罪名于疏內聲明律無正條比照某律某例科斷恭候

諭旨遵行等語今駱茂才圖姦郎氏推跌伊夫駱學禮身死一案律無
正條駱茂才應如該撫所題應比照強姦未遂將本婦毆傷越數
日後因本傷身死者照因姦威逼人致死律擬斬監候例應擬斬

監候秋後處決係比附條例合併聲明恭候

諭旨遵行等因乾隆十二年四月十七日題十九日奉

旨駱茂才依擬應斬着監候秋後處決餘依議

強姦未成越兩日爭毆致死本夫仍依聞殺擬絞案

刑部為報明事本部會同院寺會看得山陰縣民潘君聖毆傷孫

天佐身死一案據浙撫方 疏稱潘君聖與孫天佐同業操舟素

無嫌怨乾隆十三年四月二十五日有孟大經向潘君聖雇船二

隻裝柴潘君聖轉僱孫天佐之船約于晚間開行時至黃昏潘君

聖至孫天佐家催促開船孫天佐之妻答以船已撐去潘君聖知

傅氏獨處頃起淫心推門入室強欲行姦傅氏不從喊叫潘君聖

掌批其腴有隣人孫茂生聞聲接應潘君聖當即奔逸是夜孫天

佐因船被風阻亦即回家傅氏告知前情次日孫天佐投鳴地總

不遇前往傭工未與理論至二十七日早孫天佐前赴潘君聖門

首言罵經孫聖侯勸回潘君聖因被孫天佐辱罵心懷不甘卽于是晚前往孫天佐門首回罵洩忿孫天佐出而爭鬪拳毆潘君聖胸膈潘君聖拳毆孫天佐左脇時有孫永常路過勸解孫天佐惡其偏袒卽拳毆孫永常肩甲孫永常亦拳毆孫天佐右眼胞連腮朕孫天佐又拳毆潘君聖偏右潘君聖復拳毆孫天佐人申連唇召及鼻梁等處孫天佐欲向扭結潘君聖用手一推孫天佐仰跌倒地被石硠傷右後脇并擦傷左臂膊而肱肘詎孫天佐傷重延至五月初二日殞命屢審供認不諱查孫天佐因潘君聖強姦伊妻事越兩日前往詈罵其時並非捕姦潘君聖因被孫天佐辱罵亦往回詈洩忿孫天佐出而爭毆潘君聖回毆推跌致傷孫天佐

左脇等處越六日殞命是潘君聖毆死孫天佐既非因姦殺死亦非罪人拒捕潘君聖除強姦未成輕罪不議外應依聞殺律擬絞監候孫永常擬杖等因具題前來據此應如該撫所題潘君聖除強姦未成輕罪不議外合依聞毆殺人者不問手足他物金刃並絞監候律應擬絞監候秋後處決等因乾隆十四年五月二十六日題二十八日奉

旨潘君聖依擬應絞著監候秋後處決餘依議乾隆十四年七月初一日准咨

八投村理論何老八拳毆陳元相胸腔陳元相用拳回毆中傷何老八左肋倒地殞命屢審不諱何老八調姦拒捕陳元相回毆一拳致傷左肋殞命擬以絞抵殊覺情輕法重律無正條應照例載律例無可引用援引別條比附將陳元相照毆殺律擬絞減一等擬流等因具題前來查何老八見章氏在園出恭起意拉姦陳元相聞喊趨視斥責不服用拳毆死何老八調戲章氏並未成姦與姦所捕獲不同而陳元相拳毆致死何老八正與擅殺之例符合自應按律問擬不便遽請寬宥應將該撫將陳元相擬絞減流之處毋庸議仍令該撫再行妥議具題到日再議可也奉

旨依議乾隆十四年七月邸抄

因調戲伊媳誣毆致斃仍擬絞案

刑部爲稟報事該臣等會看得張氏等毆傷鄰化身死一案乾隆十四年八月初十日張氏與童養媳吳氏赴地割豆時至下胸張氏回家炊爨獨遺吳氏在地適鄰化經過見吳氏少女四顧無人淫心莫遏將吳氏拉至溝內按地撕褲強欲行姦吳氏哭喊不從聲言回家訴知其姑與之講理鄰化聞言畏懼不敢放氏歸家隨將吳氏強行拉回家中再作計較伊妻孫氏詢知其情亦恐吳氏歸告其姑卽行留任併將被撕之褲代爲縫好晚間相伴同宿囑其回家切勿聲揚次早吳氏欲歸孫氏猶不放心留其再住數日加意相待婉言勸慰欲使吳氏感其款待之情勿露伊夫拉情之

事留至二十二日下晚孫氏送吳氏至村外再三叮囑止云初十日因天晚迷失路徑不能回家撞遇孫氏留在次日即因患病停留今始病痊送回吳氏伴爲許諾于歸家後備向伊姑實告張氏聞言氣忿莫釋適張氏小姑張鄒氏歸寧母家張氏之弟張貴在彼割豆張氏卽商同尋毆洩忿于二十二日早張氏攜帶鉄叉張鄒氏吳氏各持木棍張貴徒手齊至鄒化門首適鄒化自內而出張氏卽用鉄叉股毆傷鄒化左太陽倒地擦傷左額角左眉鄒氏與張貴將鄒化按住張氏用鉄叉股連毆鄒化右膝左膝肋左脚腕左右脚面張氏又用鉄叉股毆其左肱肘右手背左脚踝鄒氏復用石毆其左臂膊張貴亦拾取鄒氏放下之棍毆傷鄒化右腿

左右腿肚吳氏亦用棍毆其右臂膊張氏又取石毆其左右大趾右中趾移時殞命訊認不諱將鄒張氏擬絞援免等因具題前來應如該撫所題鄒張氏合依罪人不拒捕而擅殺律擬絞監候事犯在

恩詔以前相應援免仍追埋葬銀二十兩給付屍親收領等因奉旨依議乾隆十七年 月邸抄

因拉姦伊母謀毆致死減等擬流案

刑部為飭委事看得王三有等共毆李士起身死一案據東撫準

疏稱王三有與李士起比隣而居雍正八年李士起窺三有之

父王大年外出輒跳墻入室拉王三有之母姜氏求姦姜氏喊罵

而逸王大年回家知悉前情氣忿成疾旋即身死維時王三有暨

伊兄王遂王二丑俱在幼穉姜氏含冤莫訴隱忍于懷迨乾隆八

年七月內借弟王遂送母歸家遺妻郭氏獨居在室李士起之子

李孔又跳墻拉姦郭氏被郭氏喊罵奔逸王遂知而欲控經隣人

調處令李孔族祖李宗善將李孔棍責寢息至乾隆十三年七月

二十四日王遂同弟在地力作李士起復萌舊智仍跳墻拉姦姜

氏姜氏囑罵並候王遂回家告知稟縣責逐而王遂氣猶未釋于九月初五日與弟王二丑王三有謀毆洩忿携棍偕至河岸候等適李士起醉歸王遂卽棍毆李士起左膝肋倒地王二丑騎按李士起身上王遂復棍毆其右臂膊及左右脚腕王三有亦拔自脩小刀扎傷李士起左右肘左右手腕招傷右手手中指手背並毆傷額顱左右眉王遂復奪王三有之刀扎傷其左右膝肋至初七日殞命訊認不諱查王三有等以父死母辱心懷隱痛謀毆洩忿不期傷重斃命致罹法網若將王三有擬絞王遂擬流是以王大年父子二命且兼一流以抵淫惡不悛之徒于法殊未平允伏查乾隆八年六月內刑部議覆河撫雅題白士惠扎傷無服族叔

白繼興身死一案將白士惠擬絞具題部議以白繼興調姦無服族嫂牛氏據伊叔白國方稟報並非一面之詞白士惠以伊母被白繼興調姦情由助母詈罵扭在理論被刃格架白繼興殞命遽將白士惠依聞殺律擬抵殊未平允應行該撫另行妥議具題等因奉

旨部駁甚是依議欽此在案今王三有等共毆致死李士起亦因于姦伊母而起正與白士惠戳死白繼興之案情罪相同應將王三有照共毆人致死絞律減一等杖一百流三千里王二丑依餘人律杖一百王遂照原謀杖流律量減一等杖一百徒三年李孔照不應重律擬杖事犯在

恩詔以前分別減免等因具 題前來查例內律無正條比照律例加減恭候

諭旨遵行等語今王三有等因李士起屢次拉姦伊母謀毆洩忿不期李士起傷重殞命與尋常共毆人致死之案不同應如該撫所題王三有比依共毆人致死下手傷重者絞依律酌減一等杖一百流三千里王遂比依原謀杖流律酌減一等杖一百徒三年事犯在

恩詔以前應將王三有流罪減為杖一百徒三年王遂徒罪減為杖一百恭候

諭旨遵行王三有雖未下手助毆但騎壓李士起身上合依餘人律杖



一百李孔調戲王遂之妻郭氏並未行姦應照不應重律杖八十事在

恩詔以前相應援免奉

旨依議乾隆十五年十一月邸抄

姦殺下

因強姦其母出言污辱謀毆致死照開殺戒等擬流案

刑部爲報明事看得房縣通詳趙天祿斧傷王志榮身死一案據

署湖撫阿 疏稱趙天祿籍隸豫省隨父來房佃種有年與王志

榮素無嫌怨祇緣乾隆十五年六月二十一日趙天祿同父隨經

往外工作僅伊母郭氏在家午後王志榮潛至趙天祿家聞知趙

天祿外出乘郭氏進房取州垣起淫心跟入房內拉氏圖姦郭氏

喊罵王志榮行強扭住郭氏左手致傷左肱脈並扯破郭氏衫褲

掙脫王志榮尾追郭氏拾取竹竿毆傷王志榮左肩甲左後脇王

志榮奔逸至晚趙天祿父子歸家郭氏告知前情時已天晚未經

投明保隣二十二日趙天祿攜帶扯破衫褲投知王志榮地主問

啟昌同至王志榮家理論適郭氏同子趙經先至郭氏向問啟昌
 聲訴強姦情由時王志榮站立門首趙天祿詈罵王志榮直認不
 諱並出言污辱趙天祿氣忿欲毆王志榮拾石擲打趙天祿閃過
 王志榮復持石撲打趙天祿情急拾取在地鉄斧架格中傷王志
 榮右額顱移時殞命屢審供認不諱查王志榮強姦趙郭氏業已
 損傷膚體毀裂衣服次日趙天祿被人論理王志榮直認不辭又
 出言污辱且有問啟昌在場聞知則趙天祿之毆死王志榮實因
 強姦起衅無疑趙天祿因母被辱又遭持石充毆隨手拾斧抵格
 致傷似與尋常聞殺有間擬以絞抵殊覺情輕法重查例載律無
 正條比照某律例加減恭候

論曰遵行等語又查乾隆十三年刑部議復東撫準趙王三有等共

毆李士起身死一案部議以王三有等因李士起屢次拉姦伊母
 謀毆洩忿不期李士起傷重殞命與尋常共毆人致死之案不同
 王三有比依共毆人致死下手傷重者絞監候律酌減一等杖一
 百流三千里事犯在

恩詔以前流罪減為杖一百徒三年等因奉

旨依議欽此欽遵在案今趙天祿因王志榮強姦伊母投人向論又遭
 王志榮出言污辱并逞兇撲打拾斧抵格不期致傷王志榮殞命
 與王三有毆死李士起之案情罪相同應將趙天祿照聞殺律擬
 絞減一等杖一百流三千里援

姦殺下

看

赦減徒具 題前來查例內律無正條比照某律某例加減恭候

諭旨遵行等語今趙天祿因王志榮強姦伊母投入向論又遭王志榮
出言污辱并逞兇撲打拾斧抵格不期致傷王志榮額顱殞命與
尋常毆死人命者不同應如該撫所題趙天祿比依聞毆殺人絞
監候律減一等杖一百流三千里該犯籍隸豫省在楚犯案到官
在乾隆十五年九月二十三日

恩旨以前所犯流罪減為杖徒恭候

諭旨遵行奉

旨依議

並未覲面調姦致令自盡亦擬絞案

刑部為稟明事會看得李四轉托王天祿媒合圖姦王氏未成致
氏投井身死一案先據河撫傾 具題經臣部等衙門以定例督

撫審理案件務須詳核情罪畫一具題不許輕重兩引等語此案

如謂李四並非覲面調戲則王氏致死或因王天祿既縱姦其妻

又挑誘其姑痛家門之不堪恨伊姪之干犯有激而死自應專坐

天祿以逼死木婦援例擬絞如謂李四之圖姦屬實王氏之死實

由李四調戲則又不應以前未覲面為詞奏請減罪該撫既將李

四依但經調戲例擬絞又請照語言褻狎殺流一事兩引游移輕

重與例不符應令詳審妥擬畫一具題咨行去後今據疏稱李四

之圖姦雖未覲面調姦而王氏之死究因王天祿轉述李四調戲之語所致至天祿縱姦其妻王氏並不知情是王氏不死于天祿之挑誘實死于李四之圖姦將李四擬絞監候具題前來應如所題李四合依強姦未成但經調姦本婦羞忿自盡例擬絞監候恭逢乾隆十一年正月初三日

恩旨大學士會同臣部議准李四因見王氏少艾起意圖姦免王天祿媒合王氏不甘投井身死並未自行調戲應減爲軍行令該撫查明妻室是否情愿隨遣作速發配仍追埋葬銀二十兩給付屍親收領以爲營葬之資奉

旨依議乾隆十一年五月部抄

強搶婦女尙未姦污本婦自盡比照強姦未成自盡擬絞案

刑部爲弔死人命事會看得貴陽府屬狝苗阿貢強搶阿育之妻

阿賴致死一案據護貴撫布政使溫疏稱阿育現媒阿成先向

阿賴之父阿維聘定爲妻詎阿貢亦自向阿維求娶阿維不允阿

貢懷忿隨起意糾衆搶奪聞阿育與同寨人等均往安順賣茶隨

逼脅阿允阿用阿慟阿呼阿羊等六人齊至阿育寨外阿貢進寨

叫喊將阿賴拉出寨外阿慟等跟隨出寨將至阿貢寨前阿允等

分路各回維阿呼與阿貢帶領阿賴同回路經阿呼門首阿呼卽

脩酒飯邀請飯畢時已昏暮阿貢自執火把帶同阿賴回家行至

中途阿賴在道井口捧水將火淋滅令阿貢覓火阿賴卽乘間入

山自縊迨阿貢燃火轉至見阿賴縊死在樹卽畏罪潛逃據阿賴之父阿維控縣獲犯屢審不諱將阿貢擬絞阿兀等擬杖等因具題前來查律載強奪良家妻女姦佔爲妻妾者絞監候定例強奪良家妻女尙未姦污者照依被姦佔律減一等爲從如被姦逼誘隨行各照不應重律杖八十又名例內開斷罪無正條者援引他律比附又例載強姦未成本婦羞忿自盡者擬絞監候各等語今阿貢因圖娶阿賴不遂糾衆用強搶奪以致阿賴自縊身死按律並無正條應將阿貢比照強姦未成本婦羞忿自盡者絞監候例應擬絞監候秋後處決該撫旣稱阿兀阿用阿勳阿呼阿羊均係阿貢被脅隨行審無助勢濟惡情事均合依不應重律杖八十

可也奉

旨阿貢依擬應絞着監候秋後處決餘依議乾隆十七年八月邸抄

